

## आकाशवाणी

Evening Dogri (NSD) Bulletin

19-07-2025

### खबरां

- भारत मुक्त बपार समझौता 1 अक्टूबर थमां लागू होग-आखेआ पीयूष गोयल होरें।
- केंद्री रेल मंत्री अश्विनी वैष्णव होरें आखेआ जे 2 काजीपेट रेल निर्माण इकाई अगले साल कोला कम्म शुरू करोग।
- केंद्री मंत्री मनसुख मांडविया होरें बसनीकें गी राष्ट्र निर्माण गी तरजीह देने ते नशामुक्त भारत अभियान कन्ने जुड़ने दी अपील कीती।
- बीजेपी नै INDIA ब्लाक गी अंदरूनी कलह आस्तै निशाना बनाया।
- मौसम विभाग नै केरल ते पच्छमी राजस्थान दे किश थाहरें पर खरी मती बरखा पौने दी पेशनगोई कीती ऐ।
- 4 महिला खडारिं दे चेस विश्व कप दे क्वार्टरफाइनल च पुज्जने कन्ने भारत एह उपलब्धि हासल करने आहला पैहला देश बनी गेआ ऐ।

<><><><><><>

Piyush goyal EFTA

केंद्री उद्योग ते वाणिज्य मंत्री पीयूष गोयल होरें अज्ज आखेआ जे भारत ते 4 देशें दे यूरोपीय ब्लाक यूरोपियन फ्री ट्रेड एसोसिएशन बश्कार मुक्त बपार समझौता 1 अक्टूबर



## Vaishnav-Viksit Bharat

केंद्री मंत्री अश्विनी वैष्णव होरें आखेआ जे विकसित भारत दे धेइए गी पूरा करने आस्तैतकनीकी तैयारी जोरें कन्नै चलारदी ऐ। आई.आई.टी हैदराबाद च अज्ज बड्डलै दीक्षांत समारोह गी संबोधित करदे होई मंत्री होरें तकनीक पर आधारित भविक्ख पर लौस पांदे होई छात्रें गी अपील कीती जे ओह विश्व स्तरीय तकनीकां ते उत्पाद बनान। मंत्री होरें रेलवे च कीते गेदे अच्छे बदलावें बारै बी बोलेआ ते दस्सेआ जे 2027 च पहली बुलेट ट्रेन शुरू कीती जाग। एहदे कन्नै वंदे भारत दा त्रिया वर्जन चेन्नई च बनाया जारदा ऐ।

<><><><><><>

## Mandviya-Drugs Free

केंद्री युवा मामले ते खेड्ड मंत्री मनसुख मांडविया होरें 2047 तोड़ी विकसित राष्ट्र बनने दे लक्ष्य गी पूरा करने च नशामुक्त नौजवान होने दी महत्वता पर लो पाई। वाराणसी च युवा आध्यात्मिक सम्मेलन दे शुभारम्भ सत्र च बोलदे होई मांडविया होरें आखेआ जे भारत दे नागरिकें गी राष्ट्र निर्माण गी तरजीह देनी चाइदी ते नशामुक्त भारत मुहिम कन्नै जुड़ना चाइदा। उनें सारे नागरिकें गी सौगंध लैने आस्तै आखेआ जे ओह घट्टोघट्ट 5 नौजवानें गी इस मुहिम कन्नै जोड़न।

<><><><><><>

## BJP-Opposition

बीजेपी नै अज्ज विपक्ष गी निशाना बनांदे होई आखेआ जे मानसून सत्र दे पैहले गै आई.एन.डी.आई.ए ब्लाक च आपसी मतभेद ते बिखराब नजर आवा करदा ऐ। इक

सवाल दे परते च बीजेपी प्रवक्ता सुधांशु त्रिवेदी होंरें मीडिया गी दस्सेआ जे आम आदमी पार्टी नै हपैहले गै घोशणा करी दिती ऐ जे ओह विपक्ष गठबंधन दा हिस्सा नेई ऐ। उनें विपक्ष गी अपील कीती ऐ जे ओह ओने आहले सत्र दा सकारात्मक इस्तेमाल करन।

<><><><><><>

#### US-Ambassador-Turkey

तुर्की च अमरीकी राजदूत-टॉम बराक होंरें अज्ज आखेआ जे इज्राइल दे ब्हाई हमले करने दे मगरा इज्राइल ते सीरिया युद्ध विराम आस्तै राजी होई गए न। इस ब्हाई हमले गी इक अरब धार्मिक अल्पसंख्यक झूज समुदाय गी बचाने आसतै कीता गेआ, ऐसा दावा कीता जारदा ऐ। सरकार दी हिमायती ताकतें ते झूज बशकार लड़ाई ते सीरिया नै शासक बशर अल असद दे शासनकाल दे मगरा कई लोकें दी जान लैती ऐ।

<><><><><><>

#### US-Prez.

अमरीका दे राष्ट्रपति डोनाल्ड ट्रम्प होंरें वाल स्ट्रीट जनरल ते ओदे मालकें खिलाफ सख्त कदम पुट्टदे होई अदालत च मुकदमा दर्ज कीता ते घट्टोघट्ट 10 बिलियन डालरें दा मानहानि दे जुर्माने दी कार्रवाई कीती। अखबार नै इक रिपोर्ट च राष्ट्रपति हुंदा नां 2023 दे जन्मदिन शुभकामनाएं पर जैफ्री एपस्टिन लेई छापेआ हा। ट्रम्प होंरें अमरीकी न्याय विभाग गी मैनेहट्टन अदालत च बी केस दर्ज करने आस्तै आखेआ ऐ।

<><><><><><>

#### China-Pahalgam Attack

चीन नै पहलगाम आतंकी हमले दी निंदेआ कीती ऐ ते क्षेत्री राश्ट्रें गी आखेआ ऐ जे क्षेत्रीय सुरक्षा दी हिफाजत आस्तै सारे आतंकवाद खिलाफ इक दुए दा साथ देन। अमरीका तरफा नामित द रजिस्टेंस फ्रंट गी इक विदेशी आतंकवादी संगठन आखने ते ओदी पहलगाम हमले च शमूलियत बारे प्रतिक्रिया दिंदे होई चीन दे विदेश मंत्रालय दे प्रवक्ता लीन जियान होरें आखेआ उंदा देश हर तरीके दे आतंकवाद दा विरोध करदा ऐ।

<><><><><><>

PM-Mangal Pandey

प्रधानमंत्री नरेंद्र मोदी होरें स्वतंत्रता सेनानी मंगल पांडे होरें गी उंती पुण्यतीथि पर श्रद्धांजलि भेंट कीती। इक सोशल मीडिया पोस्ट च मोदी होरें मंगल पांडे होरें गी देश दा बड्डा योद्धा दस्सेआ जिनें अंग्रेजी सम्राज्य गी चुनौती दिती ही। उनें आखेआ जे मंगल पांडे हुंदी बहादुरी ते जज्बे दी जीवनी म्हेशा देश दे लोकें आस्तै प्रेरणा दा स्रोत रौहग।

<><><><><><>

IMD

भारतीय मौसम विभाग नै केरला च कल तगर रैंड अलर्ट जारी करदे होई बड़ा भारी बरखा दी पेशगोई कीती ऐ। विभाग नै राजस्थान, मध्यप्रदेश, असम, तमिलनाडू ते कर्नाटका च अज्ज भारी थमां बड़ी भारी बरखा लेई ओरेंज अलर्ट जारी कीता ऐ। विभाग नै आखेआ ऐ जे हिमाचल प्रदेश, उत्तराखंड, उत्तर प्रदेश, जम्मू कश्मीर, पंजाब ते हरियाणा च 24 तरीक तगर टावीं टावीं थाहें पर भारी बरखा दी संभावना ऐ ते अगले

7एं दिनें तगर उत्तर-पूर्वी हिस्सें दी केईं थाहें उप्पर दरमेयाने दर्जे दी बरखा पेईं सकदी ऐ। तोआई दिल्ली-एनसीआर इलाकें च इगले 5एं दिनें तगर गासा च बदल घनोए रौहने ते हल्के दर्जे दी बरखा होने दी पेशगोई कीती दी ऐ।

<><><><><><><><>

Chess

चैस च भारत पहला देश बनी चुके दा ऐ जेदियां 4 खडारना FIDE महिलाएं दे विश्व कप मुकाबले दे क्वार्टरफाइनल च पुज्जी गेइयां न। गेंड मास्टर कोनेरू हंपी, डी. हरिका, आर. वैशाली ते अंतरराष्ट्री मास्टर दिव्या देशमुख होरें टूर्नामेंट दे अखीरी 8 च थाहर बनाई लैती ऐ। चारें भारतीयें कल टाईब्रेक मैच जित्तिऐ क्वार्टरफाइनल च जगह बनाई ऐ।

<><><><><><><><>

ED

पैहें दे गैर कनूनी लैन देन पर तक्क रखने आहली संस्था ई.डी नै आनलाइन सट्टेबाजी ऐप मामलें च तकनीकी कंपनिएं गूगल ते मेटा गी नोटिस जारी कीता ऐ। सूत्रें मूजब निदेशालय नै दौनें कंपनिएं दे प्रतिनिधिएं गी संगारें दिल्ली मुख्यालय च पेश होने लेईं आखेआ ऐ। एजेंसी इनें आनलाइन सट्टेबाजी ऐप्स दे प्रचार पर डिजिटल प्लेटफार्म दी भूमिका दी जांच करै करदी ऐ।

<><><><><><><><>

APM

सरकारै सोमवारें पार्लिमेंट दे बरसांती आहले इजलास शा पैहले कल सब्भनें पार्टियें दी इक मीटिंग सद्दी ऐ। इस दरान सरकार संसद दे दौनें सदनें दे सुचारू संचालन गी यकीनी बनाने लेई सब्भनें सियासती दलें दा सहयोग मंगगोग। बरसांती आहला इजलास औंदी 21 तरीक शा शुरू होआ 'रदा ऐ जेड़ा अगले म्हीने दी 21 तरीक गी सम्पन्न होई जाग।

<><><><><><>